

The Child and Adolescent Labour (Prohibition and Regulation) Act, 1986



INTERNATIONAL
LABOUR
ORGANISATION

ILO chuan hetiang hian ‘**Child Labour**’ a hrilhfiyah:

1. Eng hna pawh naupang nihphung hloh tir theitu,
2. Hna reng reng naupang theihna leh zahawmna hloh tirtu emaw,
3. Naupang taksa, rilru leh ngaihtuahnate hmasawmna leh thanna dal theitu emaw,
4. A zirna ti bahlah tirtu emaw zirna chawlhsan ngai khawpa thawh ngai hna.



THE CHILD & ADOLESCENT
LABOUR (PROHIBITION &
REGULATION) ACT, 1986

India ram pawhin naupang leh tleirawl/rawltharte an zawh tawk aia nasa a hnathawka chhawr an nih loh nan “**The Child & Adolescent Labour (Prohibition & Regulation) Act, 1986**” a duang a. He Dan hian naupang chu kum 14 hnuailam tiin a hrilhfiyah, tleirawl/rawlthar chu kum 14 (sawm leh pali) pumhlum tawh, kum 18 (sawm leh pariat) la tling lo te tiin a hrilhfiyah a ni. Tin, he Dan hian pawikhawihtute hrem theihna pawh a chhawpchuak tel bawh.



mscpcr.mizoram.gov.in



MSCPCR



Mizoram State Commission for Protection of Child Rights



mscpcr



0389 2314828



scpcrmizoram@gmail.com



Dan hnuaiah eng chen nge naupangin a thawh ve theih?

Naupang chu eizawna hnaah emaw thil siamchhuahna hmuna thawk tura chhawr a remti lova, a Sikul kai tibuai lova inchhungkhurah emaw chhungkaw hnaah a puih ve erawh a phalsak a ni. Chung hnate erawh chu naupang zirna tibahlahtu emaw a hriselna khawih pawh thei emaw naupang nunna derthawnga siam thei 'Hazardous Occupation' a ni tur a ni lo a ni.

Naupang chu a thiam thil hman-ga eizawn erawh a phalsak a ni, Entirnan : Zai, Lam, Lemchan, Infiamna te. Amaherawhchu, naupang tana him chin ngaihtuahin ni khatah heng hnaah hian darkar nga aia rei a thawk tur a nilo a, hnathawh karlakah darkar thum aia tam chawh awmlovin a thawk tlang tur a ni lo.

Dan hnuaiah Tleirawl/Rawlthar ten eng chen nge an thawh ve theih?

Tleirawl leh rawltharte pawh awmze neia hna an thawh a phalsak a. Nimahsela, an hriselna khawih pawh thei emaw an nunna derthawnga siam thei 'Hazardous Occupation' a ni tur a ni lo a ni. Entirnan : Quarry a thawh, Brick siamna, Halpuah siamna, Bawlhhlawh sawngbawlina hmunah, Iron/Steel Industry-ah, Cement Industry, Petroleum Industry, Zuk leh hmuam siamchhuahna hmunahte leh adangte.

Naupang leh tleirawlte Dan-in a phal chin baka inhlawhfa emaw hnathawka chhawrluitu chu thla 6 aia tlem lo leh kumnih thleng Lung Ina tang tura hrem theih an ni. He Dan bawhchhe nawntu chu kum 1 aia tlem lo leh kum 3 thleng Lung Ina tang tura hrem theih a ni.

Domestic Worker's Welfare and Social security Act, 2010 pawhin kumtling lo (Kum 18 hnuailam) te chu hlawh neia midang Ina inchhungkhur hnathaw-

ka inhlawhfa a chhawr a remtilo a ni. India ram pawnah hial kum tlinglote hnathawka tirschhuah thawm a awm ta fo mai. Heng hi Dan phalloh a ni. Tin, kum tling tawh pawh nise hnathawka midang India rama tirschhuak tur chuan Section 10 of "The Emigration Act, 1983" in a phut angin 'The Proctor General of Emigrants' (PGE), Ministry of External Affairs hnuaiah Licence neih a ngai a ni.

India ram pawna kum tlinglo tirschhuah kawngah document lem hmanga tirschhuaktu bakah kum tlinglo in document lem a neih theih nana inhnamhnawih zawng zawngte chu Section 336 (3) of "The Bharatiya Nyaya Sanhita (BNS), 2023" hnuaiah kum 7 thleng Lung Ina tang tura hrem theih an ni a, document diklo hman tirtu emaw, a siamna kawnga inhnamhnawih zawng zawngte chu he Dan hmanga hrem theih an ni. Tin, kum tlinglo in midang bum nan document lem a hmanga nih pawhin a chungthu chu 'Juvenile Justice Board (JJB)' in a ngaihtuah thei a ni.

Beedi & Cigar Workers (Conditions of Employment) Act, 1966 a awm leh a, he Dan hian naupang reng reng Meizial leh a kaihhnawih siamchhuahnaah chhawr a remti lo a ni.

The Factories Act, 1948 chuan naupang kum 14 hnuailamte chu khawi factory ah mah chhawr ve a phal lova, kum 14 leh kum 18 inkar te pawh zirtirna dawng hmasa lova khawl thil enkawl tur emaw, hmanga tura chhawr emaw a remti lo a ni.

The Immoral Traffic (Prevention) Act, 1956 hnuaiah Nawhchizawrhna leh a kaihhnawiha naupang inhnamhnawih tirtu chu hrehawm tuar tura kum 7 aia tlem lo Lung Ina tang tura hrem theih a ni.